



Broj: 01/2-24-775/18
Breza: 20.03.2018. godine

P R O G R A M

UTROŠKA SREDSTAVA SA KRITERIJIMA RASPODJELE SREDSTAVA "PODSTICAJ POLJOPRIVREDNOJ PROIZVODNJI" UTVRĐENIH BUDŽETOM OPĆINE BREZA ZA 2018. GODINU, KONTO 614414

Podaci o Programu:

Program odobren od strane Općinskog načelnika	2018. godine
Period realizacije Programa	2018. godina
Trajanje realizacije Programa	12 mjeseci
Krajnji rok realizacije Programa	31.12.2018. godine
Ukupna vrijednost Programa	50 000,00 KM

I - UVOD:

Primarna poljoprivredna proizvodnja je sirovinski temelj za prehranu stanovništva u izvornom ili prerađenom obliku, ali se ovom proizvodnjom obezbjeđuje i značajan dio sirovina za prerađivačku industriju. Radi toga u razvijenim zemljama već duži niz godina poljoprivrednoj proizvodnji se poklanja izuzetna pažnja kroz osavremenjavanje proizvodnje i znatnim subvencijama u proizvodnji kako bi se ova proizvodnja učinila konkurentnom na tržištu i povećalo zadovoljenje vlastitih potreba.

Obzirom na specifične uslove naše lokalne zajednice u kojima se obavlja poljoprivredna proizvodnja (usitnjenost posjeda, navike ljudi i dr.) mali broj poljoprivrednika ostvaruje novčane podrške po Programima poticajnih mjera viših nivoa vlasti. Otuda potreba da se u okviru Općinskog budžeta planiraju sredstva za novčane podrške poljoprivrednim proizvođačima.

U tom smislu Budžetom Općine za 2018. godinu planiran je iznos za Program poticajnih mjera u poljoprivredi od 50.000,00 KM.

U izradi Programa za 2018. godinu uvažavali su se slijedeći parametri:

- resursne mogućnosti Općine Breza,
- programske obaveze Općinskog načelnika,
- analiza realizacije Programa novčanih podrški i efekata dosadašnjih programa poticajnih mjera,
- sugestije učesnika u sektoru poljoprivrede,
- podaci sa terena,
- visina sredstava koja su predviđena budžetom Općine Breza,
- ostale odrednice.

Na osnovu svih, u uvodu navedenih parametara, izveden je Program utroška sredstava sa kriterijima raspodjele sredstava "Podsticaj poljoprivrednoj proizvodnji", utvrđenih Budžetom Općine Breza za 2018. godinu.

II - KRITERIJI ZA RASPODJELU SREDSTAVA

Planirana finansijska sredstva iz Budžeta Općine Breza " Podsticaj poljoprivrednoj proizvodnji " će se raspoređivati prema slijedećim opštim i posebnim kriterijima i to:

1. Opšti kriteriji:

Pravo na ostvarivanje novčane podrške stiču klijenti sa stalnim prebivalištem na području Općine Breza, koji su zasnovali primarnu poljoprivrednu proizvodnju na teritoriji Općine Breza (u daljem tekstu Općina) i koji su upisani u Registar poljoprivrednih gazdinstava i Registar klijenata.

2. Posebni kriteriji

Pravo na ostvarivanje novčane podrške stiču klijenti koji ispunjavaju posebno propisane kriterije predviđene ovim Programom i Uputstvom o ostvarivanju novčanih podrški za poljoprivrednu proizvodnju u 2018. godinu, koje će donijeti Općinski načelnik.

I PRIMARNA POLJOPRIVREDNA PROIZVODNJA

A) Biljna proizvodnja

1. Proizvodnja jagodičastog voća (jagoda, malina) – klijenti koji imaju sklopljen ugovor sa otkupljivačem i koji su proizveli minimalno 500 kg po jednom dulumu u tekućoj godini i istu predali otkupljivaču. Minimalna površina koja će se poticati je 1 (jedan) dulum. Iznos podrške je 80,00 KM, a za svaki dodatni dulum usjeva iznos podrške je 40,00 KM.

Maksimalan iznos podrške po jednoj proizvodnji je 500,00 KM.

II POSEBNA ULAGANJA

1. Regresiranje uplaćenih doprinosa za osiguranike registrovane kao samostalne poljoprivredne proizvođače u skladu sa Zakonom o obrtu i srodnim djelatnostima za period 01.05.2018. do 30.09.2018. godine

Poljoprivredna proizvodnja na području općine Breza odvija se gotovo u cjelosti u okviru poljoprivrednih domaćinstava. Veliki broj tih poljoprivrednih domaćinstava ima značajnu vrstu i obim proizvodnje kojim bi mogli kroz registraciju djelatnosti pokrivati troškove iz tog organizacionog statusa.

U okviru ovog Programa podsticajnih mjera predlaže se novčana podrška na ime regresiranja uplaćenih doprinosa za osiguranike registrovane kao samostalne poljoprivredne proizvođače u skladu sa Zakonom o obrtu i srodnim djelatnostima za period od 01.05.2018. do 30.09.2018. ali za obrtnike kojima je poljoprivredna djelatnost osnovno zanimanje i koji imaju registrovanu poljoprivrednu djelatnost minimalno 3 (tri) mjeseca prije podnošenja zahtjeva.

Osnovica za obračun je zakonom propisana paušalna osnovica koja iznosi 319,00 KM. Doprinosi koji su predmet regresiranja su doprinosi za penzijsko i invalidsko osiguranje, doprinosi za zdravstveno osiguranje, doprinosi za osiguranje od nezaposlenost te doprinosi na dohodak. Ukupan iznos doprinosa iznosi 202,39 KM. Ukupan iznos planiran za ovu stavku je 20 239,00 KM.

Uslovi kao i potrebna dokumentacija za ostvarivanje ove novčane podrške bit će propisani Uputstvom o realizaciji Programa poticajnih mjera koje će donijeti Općinski načelnik.

III KAPITALNA ULAGANJA

1. Sufinansiranje Projekta „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ na području općine Breza u 2018. godini iz obaveza potpisanih Sporazumom o saradnji između Općine Breza i Humanitarne organizacije MUSLIM AID SARAJEVO

Cilj Projekta je pomoći socijalno i materijalno ugrožene osobe i mlade osobe sa područja općine Breza, koje posjeduju vlastito poljoprivredno zemljište ili njihovi uži članovi porodice kao i zemljište ustupljeno na korištenje ili u zakup u neposrednoj blizini stambenog objekta u kojem stanuju i time stvore priliku za zapošljavanje na selu.

Obaveze Općine Breza jasno su definisane Sporazumom o saradnji, čime se Općina Breza obavezuje da će sufinansirati 40 % vrijednosti (19 480,00 KM) Projekta, pa se u tom smislu sredstva potrebna za realizaciju obaveza uvrštavaju u ovaj Program.

III Način ostvarivanja novčanih podrški u primarnoj poljoprivrednoj proizvodnji

Novčane podrške u primarnoj poljoprivrednoj proizvodnji ostvaruju klijenti koji ispunjavaju uslove propisane ovim Programom i Uputstvom koje će donijeti Općinski načelnik u roku od 10 dana od dana davanja saglasnosti Općinskog vijeća Breza na Program poticajnih mjera.

Oglašavanje Programa poticajnih mjera izvršit će se javnim pozivom putem lokalnih medija, oglasne table, mjesnih zajednica i Općinske web stranice.

Klijenti podnose zahtjev sa propisanom dokumentacijom Službi nadležnoj za poslove poljoprivrede, putem Šalter sale za usluge građanima.

Nakon prijema zahtjeva Služba nadležna za poslove poljoprivrede utvrdit će njegovu formalno - pravnu ispravnost (opravdanost, potpunost i blagovremenost). Zahtjevi koji budu ispunjavali formalno-pravne uslove uputit će se komisiji koju će imenovati Općinski načelnik da utvrdi činjenice na terenu navedene u zahtjevu i o izvršenom uviđaju sačinjit će pismeni zapisnik. Na osnovu zapisnika i druge priložene dokumentacije nadležna služba izvršit će obračun podrške i obavijestiti klijenta o ostvarenom pravu. Zahtjevi koji ne ispunjavaju formalno-pravne uslove odbacit će se kao ne osnovani.

SVRHA PROGRAMA

Svrha Programa je:

- povećanje obima proizvodnje,
- zadovoljavanje potreba domaćeg tržišta vlastitim proizvodima,
- stabilizacija tržišta,
- obezbjeđenje sredstava za potrebe domaćinstva,
- zapošljavanje i samozapošljavanje,
- ruralni razvoj.

Predviđene novčane podrške su ekonomskog karaktera koje priznaju robnu proizvodnju kod farmera i stvaraju uslove za prodaju proizvoda na domaćem tržištu

IV VISINA SREDSTAVA

Iznos sredstava odobrenih budžetom Općine Breza za 2018. godinu je 50.000,00 KM.

Procentualno učešće po oblastima je sljedeće:

- | | |
|--------------------------------|------|
| - Primarna proizvodnja | 20 % |
| - Posebna i kapitalna ulaganja | 80 % |

Planirana sredstva prikazana u Planu raspodjele sredstava po proizvodnjama koja definišu procjenu potrebnih sredstava u KM su samo projekcija mogućeg utroška sredstava, tako da će ovisno o vrijednostima ostvarenih sredstava biti prelijevanja sredstava iz jedne poticajne mjere u drugu.

V IZVORI SREDSTAVA

Izvor sredstava za realizaciju Programa je budžet Općine Breza za 2018. godinu ("Službeni glasnik Općine Breza", broj 12/17), u kojem su na poziciji Podsticaj poljoprivrednoj proizvodnji, konto 614414, planirana sredstva u iznosu od 50.000,00 KM.

VI REALIZACIJA PROGRAMA

Program će se realizovati u skladu sa Uputstvom za ostvarivanje novčanih podrški koje će donijeti Općinski načelnik.

OPĆINSKI NAČELNIK

Mr.sci. Munib A. Zaimović